

甘肅府縣志輯

中國地方志叢刊

道光靖遠縣志(二)
光緒打拉池縣志

中國地方志集成

甘肅府縣志輯 ①6

道光靖遠縣志(二)

光緒打拉池縣丞志

鳳凰出版社●上海書店●巴蜀書社

靖遠縣志卷之四

金陵陳之驪編次

孝	鄉賢	武功	科甲	貢生	行伍	維途	地封	恩蔭	忠
		節烈	義	流寓	隱逸	鄉耆	仙釋	塚墓	

鄉賢

明

房加寵公以武科甲第起家值西蜀多故歿於王事崇祀

鄉賢

康熙鄉賢志

路瑛正德十六年閏本衛年荒連糧賑濟全活甚多解組歸祖厲河泛漲有摧城之勢公捐資疏通北入黃河通邑建祠立碑以報功崇祀鄉賢

康熙武功志

趙率教公以壬辰武闈聯捷官平遼將軍歿於王事諭祭
加贈崇祀鄉賢

康熙鄉賢志

國朝

王進寶公事業已詳武功本傳本衛爲吳逆叛據官兵入
剿公爲言於將軍孫公保護甚力闔城士庶感恩報德建
立生祠崇祀鄉賢

康熙鄉賢志

潘澤溥性至孝友秉心仁慈居鄉樂施不倦傳家有令則
故鎮綏將軍績著太常繼起者又復轟科挺甲一門光顯
皆積善之徵也有司題請奉

旨准祀鄉賢光昭俎豆允協輿論云

康熙鄉賢志

潘育龍任陝西固原提督康熙己亥卒於官加贈太子少

保

賜葬祭諡襄勇崇祀鄉賢武功備載前志

乾隆續志

王用予奮威將軍王進寶長子隨父征剿吳逆授涼州總

兵官終養致仕崇祀鄉賢

乾隆續志

武功

後漢

張繡祖厲人涼州金城人繡勝襲殺祖厲長時繡爲縣吏
伺殺勝邑人義之後仕魏官渡之役力戰有功累遷破羌

將軍 三國志本傳

宋

張遷壽會州人爲宋元帥以戰功賜蟒衣金牌至今會甯
有村名金牌張家 萬歷武功志

明

趙率教陝西靖虜衛人 康熙志 始祖源 趙光遠墓 順天府遵化

衛籍

康熙守參門趙相普志

矢志守邊授戶侯職聿來茲土衍及高

祖昇及祖汝義勇獲捷陞授揮帥祖鑿父相普

趙光遠墓志

萬

歷間武舉

康熙武科志

嗣本衛指揮僉事進固原衛掌印升永

安守備

康熙字參志

妻薛氏路氏

康熙地封志

生五子長率性承世

襲懷遠將軍次卽率教

趙光遠墓志

萬歷壬辰武甲科聯捷

康熙

武甲科志

屢著戰功洊陞山海關總兵再進右都督世廕本衛

千戶移鎮甯遠又移鎮錦州特加左都督天啟七年五月

馮城固守加太子少傅廕錦衣世襲千戶崇正元年八月

移鎮永平兼轄薊鎮八路踰月掛平遼將軍印再移至關

門明年

大清兵由大安口南下率教急赴援十一月四日戰於遵化
中流矢陣亡一軍皆沒帝聞痛悼賜恤典立祠奉祀

明史

王性善左所副千戶王大用孫原籍安慶府人萬歷二十四年襲祖職三十一年調補本衛鎮撫司陞大廟操守天啓三四年間河套松山諸部屢寇鎮番之邊外性善奉調同官兵征剿初同官兵破賊於井迭地方次同官兵破賊於大明沙阿落什地方四年同官兵破賊於蘆溝紅井子地方皆獲勝捷甘肅巡撫李若星奏聞敘功歷陞至副總兵崇正四年二月流賊王老虎犯莊浪性善同總兵曹文詔討平之四月神一魁餘黨紅軍友李都司杜三楊老柴

屯鎮遠將犯平涼巡撫檄性善扼之賊走慶陽適總兵曹文詔從鄜州間道與性善兵合五年三月大破賊於西濠斬首千餘級生擒杜三楊老柴賊屯張麻村性善擊之大捷追敗之咸寧關又敗之關上嶺追至隴安而還以功授甘肅總兵官崇正八年七月卒於官

補遺

國朝

趙光瑞字虹洲原籍遵化人弱冠卽以襲廕掌印本衛旋陞寧夏都司超授漢羌副將因世變家居事繼母王氏以孝聞

皇清革命聞光瑞世胄忠貞

特授副將協南安總鎮范公恢復武都戊子秉節洮陽適回
逆犯順光瑞率親丁百餘騎撲滅無遺勦功隴上已而河
西回逆蜂起光瑞蕩平之已丑值山右變起倉卒光瑞爲
先鋒帥官兵夜渡黃河與禁旅會合運籌決勝所至歸誠
遂擢光瑞都督同知總兵興安未幾忽報逆寇數萬潛犯
白土關光瑞率勁卒數百禦之奈衆寡莫敵六月二十九
日寅時自引塵尾刺喉而絕

康熙武功志

王進寶字顯吾狀貌魁梧精騎射順治初從總督孟喬芳
討叛回立功授守備李定國據滇黔從提督張勇進剿師
次萬谿懸崖千仞進寶攀援直上搗其穴賊衆奔潰薦授

遊擊又以功擢洪水營叅將青海酋輸款乞住牧大草灘地進寶力持不可並議修治故單于城遂改名永固以進寶爲副將駐之番人畏伏無敢飲馬城窟者晉西寧總兵吳三桂反王輔臣亦叛陷蘭州進寶卽統兵抵黃河夜以皮囊暗渡連敗賊兵遂拔安定復金縣乘雪夜破臨洮復蘭州奏聞擢陝西提督鎮柰州隴右悉平晉奮威將軍賊犯寶雞復帥師進討命長子用予潛襲利橋遂取鳳縣抵武關又遣用予潛出關後夜半破關直趨漢中奪蜀朝天關拔廣元昭化渡浮橋徑抵保寧用予斬關而入僞帥王屏藩縊死吳之茂降蜀平

賜彤弓駿馬授用予爲四川松藩總兵尋改固原旣而蜀賊

復叛進寶復力疾馳赴平之卒

贈太子太保諡忠勇崇祀鄉賢

王氏功冊

李守魁字斗菴左都督任延綏鎮波羅營副將從靖逆侯

征剿回寇後又從奮威將軍底定黔蜀屢立戰功

康熙武

功志

王用予字公安奮威將軍王進寶子從父征蜀屢立大功

任松藩固原涼州四鎮總兵以終養致仕

康熙武功志

潘育龍字飛天効力陝西督標從副將張自誠剿竹山房
縣賊斬獲獨多攻白巖寨剿茅麓山餘寇功俱最賊旣平

吳三桂反秦隴地多陷育龍克復涇州斬賊首周養民等
歷官至叅將時寧夏道阻育龍奉命偵探率數十人由紅
河川與賊遇連戰七晝夜卒達寧夏復還報命從大將軍
圖海討王輔臣屢戰皆捷恢復平涼興安斬僞遊擊李景
才等降僞總兵王緒武三秦既定進剿蜀東復大竹渠縣
等處乘勢進取雲南定曲靖擢肅州副將晉總兵在肅八
年出師破敵者凡五捐俸修築邊牆及嘉峪關城樓番夷
畏服康熙三十五年同振武將軍孫思克征噶爾旦戰於
昭磨多忽飛礮中右頤貫耳後力戰不少衰賊大敗凱旋
調天津戢士伍嚴緝捕勤訓練屢蒙

獎錫擢固原提督晉鎮綏將軍在任十八年卒

贈太子少保諡襄勇育龍所至恤軍愛民好文重士各處俱立生祠以祀雖年逾古稀日較射將士時發百矢精力愈加強壯人皆比之馬伏波云

潘氏家譜

姚寵分守山東萊州沿海遊擊家貧有勇略因回賊叛據南山偕姪詣營投充行伍時總制孟公榜示軍中有先登開門迎進官兵者重給賞敘功錄用寵不避矢石直抵城下自東北角砍殺無算卽時報名給賞百金以守備敘用後屢立戰功優陞前職

康熙武功志

牛一麟

甘肅提標叅將先時衛城爲寇所據公從孫將

軍官丘

剏保護闔城秋毫不損梓里士民至今頌德不

衰

康熙

苟好文三藩之變隨奮威將軍恢復川蜀屢立戰功推授
浙江溫州府礮石營左都督管遊擊事以疾卒於官

康熙

志

房世淳字樸如武庠生少負奇志勇略過人吳逆之變從
征蜀黔後又從征噶爾旦屢立戰功以軍功題叙任涼州
鎮標遊擊

康熙武功志

潘福字備五號若谷武庠生鎮綏將軍潘育龍長子少卽
勇敢絕人隨振武將軍孫思克征噶爾旦奮勇當先戮力

破賊以軍功授甘肅提標右營游擊

康熙武功志

宋可進雍正年間以京營叅將征剿樟子山圍七日夜一日三捷身受重傷屢立戰功歷官至甘州提督世襲阿達哈哈番

乾隆續志

李述泌字鄴儒事繼母最孝由行五雍正元年出征西海進剿西藏七年出征巴里坤七載屢立戰功歷官至四川永寧協副將署肅州總兵終養致仕林下二十餘年鄉黨推重之

乾隆續志

進士

國朝